

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 55. stav (5) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 133. sjednici, održanoj 19.06.2026. godine, d o n o s i

## **O D L U K U**

### **o uvećanju sredstava u Budžetu Zeničko-dobojskog kantona za 2026. godinu**

#### **Član 1.**

##### **(Predmet)**

(1) Odobrava se uvećanje sredstava u Budžetu Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26) za budžetskog korisnika iz nadležnosti Ministarstva za obrazovanje, nauku, kulturu i sport - JU Univerzitet u Zenici.

(2) Uvećanje sredstava u Budžetu Zeničko-dobojskog kantona za 2026. godinu, vrši se na sljedeći način:

- a) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613900 MDC 901 – Izdaci po osnovu privremenih i povremenih poslova, Izdaci iz vlastitih prihoda - izvor 20, uvećavaju se za 18.700,00 KM;
- b) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613900 MDC 902 – Ostale ugovorene usluge, Izdaci iz vlastitih prihoda - izvor 20, uvećavaju se za 24.948,00 KM;
- c) u Budžetu Zeničko-dobojskog kantona za 2026. godinu u dijelu A. PRIHODI u koloni Plan 2026. godina, sredstva na poziciji 722652 – Vlastiti javni prihodi od realizacije aktivnosti naučno-istraživačkog rada, uvećavaju se za 43.648,00 KM.

#### **Član 2.**

##### **(Namjena korištenja sredstava i izvještavanje)**

(1) Sredstva iz člana 1. ove odluke JU Univerzitet u Zenici će utrošiti za realizaciju Projekata „Studija o ekološkoj evaluaciji rijeke Bosne analizom makroinvertebrata bentosa na području Grada Zenice“, a ista su odobrena od strane Fonda za zaštitu okoliša Federacije BiH Sarajevo.

(2) JU Univerzitet u Zenici je dužna sačiniti izvještaj o namjenskom utrošku sredstava i isti dostaviti resornom ministarstvu najkasnije 15 (petnaest) dana nakon utroška sredstava.

#### **Član 3.**

##### **(Realizacija Odluke)**

Za realizaciju ove odluke zadužuju se JU Univerzitet u Zenici, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

**Član 4.**  
**(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-12277/26  
Datum, 19.06.2026. godine  
Zenica

**PREMIJER**

*Nezir Pivić*

**DOSTAVLJENO:**

1x Ministarstvo za obrazovanje, nauku, kulturu i sport,  
1x Ministarstvo finansija,  
1x JU Univerzitet u Zenici, putem Ministarstva,  
1x „Službene novine Zeničko-dobojskog kantona“,  
1x a/a.